

Suiga i child support

Ua iai se fuafuaga i le Ofisa o Lafoga e siitia le child support i la matou faiga faavae fou, o se vaega o la matou vaega mulimuli o suiga fou e faatino i la matou Business Transformation. E tusa ma lea suiga, o le a sili atu ona faigofie i tagata o lo o faaaogāina lea auaunaga ona iloa ma pulea a latou faamatalaga e uiga i le tausaiaina o le tamaitiiti o faamauina i le myIR. O le a matou faaleleia foi auala o lo o matou faagaioia ai leni auaunaga e fesoasoani ai i le tausiga o tamaiti, ina ia mautinoa ai e i latou o lo'o faaogaina lea auaunaga ia tulaga. O lo o matou faamoemoe e faalauiloa leni vaega mulimuli lea ia Oketopa ma o lo o mata'ituina foi nisi o tulaga i fafo atu o la matou pulega e ono afaina ai le taimi o nei fuafuaga, e pei o le faamalosia o le nonofo i fale ona o le COVID-19 ma le tapunia talu ai nei o la matou ofisa i Ueligitone i se taimi na mavae atu nei.

O le ā le child support?

O le child support o le fesoasoani tupe e totogi e mātua ma e faatatau i mātua e lē o nonofo faatasi ma a latou fanau, po o tau soa le vaaiga o tamaiti ma se isi tagata.

O nisi o taimi, e ono vaaia ai tamaiti e isi tagata e ese mai mātua, e pei o mātua o mātua, o isi tagata o le aiga, po o le Oranga Tamariki—Ministry for Children. Afai o tulaga lea, e ono totogi uma e mātua le child support.

O le faamoemoe o le child support e faamautinoa ai:

- o faatino e mātua a latou tiute tau tupe mo a latou fanau
- e fesoasoani tupe mai mātua e tatau ona totogi e faatupe ai mea e aogā mo a latou fanau.

O ā mea ua suia?

Suiga e faaleleia atili ai le child support o faamauina i le myIR

O le a iai se faiga fou e faatulaga ai le myIR ma o le a sili atu ona faigofie i tagata o faaaogāina auaunaga ona iloa faamatalaga pito sili ona tāua o ta'ua ia latou accounts, e aofia ai le account mo le child support.

O le a mafai e tagata o faaaogāina auaunaga ona faaaogā le myIR e:

- talosaga ai mo le child support, ma
- fai ai se talosaga ma tali atu ai i iloiloga ua tuuina atu e le ofisa ma ni tulaga ua teena.

O le a sili atu foi ona faigofie i tagata ona pulea faamatalaga auilili ia latou child support, e aofia ai le mafai ona faafou faamatalaga e faafesootai atu ai ma tusitupe, ma faailoa mai i le ofisa ni suiga ua iai.



O le a mafai foi ona matou faaaogā faamatalaga ua matou taofia e pei o faamatalaga tau fesootaiga ma tusitupe i faletupe.

O le a mafai e tagata o faaaogāina auaunaga a le Inland Revenue ona talosaga mo se child support mai ia latou myIR account.

O child support na vave le taimi e maua ai

O le taimi nei e tatau ona totogi child support i le Inland Revenue i le aso 20 o le masina ma e tatau ona totogi i tagata o faaaogāina auaunaga i le aso 7 o le masina o sosoo ai.

O suiga e faaleleia ai la matou faiga faavae o lona uiga o le a mafai ona matou totogia child support i tagata o faaaogāina auaunaga i le aso 23 o le masina lava e tasi, ae fuafua le tulaga lea i le totogi mai o le tupe i le taimi na faatulagaina.

Suiga i tulafono

Na pasia le Child Support Amendment Act ia Mati 2021 ma e aofia ai suiga o lo o faamoemoe e faataunuu ia Oketopa ma Novema.

Faamalosia pule o le galuega e toesea tupe mai totogi

O le tasi o suiga autu i le tulafono mo tagata o faaogāina child support o le faamalosia o mātua ua toe foi mai ma i latou e fou i le faiga lea (mātua e toetogia le tupe) ona toesea la latou child support mai totogi po o tupe maua. I le taimi nei na o mātua e lē o toetogia child support i le taimi faatulagaina e faamalosia i ai le tulaga lea.

O le a matou faailoa i le pule o galuega so o se tulaga e tatau ai i se tasi o tagata faigaluega ona totogi se child support ma o le a tuuina atu i le pule faamatalaga e moomia ai ona latou toesea le tupe.

O isi suiga

O isi suiga o le a faailoa o suiga e mafai ai ona matou faaleleia le faagaioiga o child support ma tuuina atu tulaga mautinoa i tagata o faaogāina child support. O nei tulaga e aofia ai:

- le maualuga e fa tausaga e faatulaga ai iloiloga e toe faia i child support ma talosaga mo iloiloga i tulaga o faagaioia ai
- taimi faatulagaina mo talosaga ma tuuina mai ai faamaoniga o le tamā o le tamaititi na faamaonia e le faamasinoga e ausia ai tulaga e totogi ai le child support e amata mai le aso i tua atu o se talosaga na vave fai mo le child support
- taimi faatulagaina e fautuaina ai tulaga mo uluai iloiloga; o le a tuuina atu i tagata o faaogāina auaunaga le 28 aso mai le aso na tuuina atu ai le faaaliga o le iloiloga e fautua ai tulaga o iai i le taimi lava lea
- faalauaitete tulaga e tuusaunoaina i tagata gasegase o faataotolia i falemai i atunuu mamao, o i latou e umi se taimi e afaina ai i se faama'i ma e lē mafai ona faigaluega ma pagota o faafalepuipui i atunuu mamao
- suiga i tupe faaee atu mo tupe ua tuai ona totogi
- suiga i faatulagana autu e fesootai ma tausaga o le tamaititi, ma
- faataga le tuuitiitia o aitalafu pe afai o nofo aitalafu uma mātua i tupe mo tamaiti e lei toetogia mai le tasi mātua i le isi.

Mo nisi faamatalaga:

E mafai ona e tagai i le ird.govt.nz/changes-to-child-support mo nisi faamatalaga i suiga mo child support.

Ua matou saunia foi nisi o polokalame fou e faia i luga o le initaneti o lo o maua ai nisi faamatalaga i suiga e mafai ona tapena atu i ai: ird.govt.nz/bt-webinars.